

www.BibleForChildren.org


मत्ती 8



तीसर दिनिक् बात हो। गालील क्षेत्रक काना सहरम एकठो
घरम भ्वाज रह। येशुक डाई फे उ भ्वाजम गैरलही।
येशू ओ उहाँक चेलावँ फे उ भ्वाजम निउँता पारखलह।



भवाजम देना अङ्गूरिक मद ओरागैलिन। उहओर्से येशूक डाई उहाँह कली, “अङ्गूरिक मद त ओरागैलिन!” तबदोस्र उहाँक डाई नोकरचाकरहुँकन कली, “येशूक कहल अनुसार टुह्न करो।”



येशू नोकरचाकरहुँकन कल, “यी सब भँक्रीम पानी भरो।” हुँक सब भँक्रीम टनाटन पानी भरदेल। तबदोस्र उहाँ हुँकन कल, “आब डान्चे पानी परक भ्वाजक मुख्य मनैयह चिखक लाग देओ।” हुँक उहाँक कहल अनुसार कर्ल।



उ मुख्य मनैया पानी चिखल त, उ अङ्गूरिक मद होरलहा। तर
उ मद कहाँसे आइल हो कना बात हुँकहीन थाहाँ नैरलहन। उ
त पानी परक अन्ना नोकरहुँकन
केल थाहाँ रलहन। भ्वाजक
मुख्य मनैया दुल्हह बलाक
कल, “सबजन त पैल्ह असल
मद पियक लाग देठ,
पौन्हाओँ धेर मद पिक
सेकलसे पाछ केल
कमसल मद देठ,
तर अप्न त
आम्हीसम फे
असल मद
बचैलरलही।”




उहाँक करल अचम्मक चिन्हमध्ये यी पैल्ह चिन्ह येशू
गालील क्षेत्रक काना सहरम कर्ल। असिक
उहाँ आपन महिमा प्रकट कर्ल,
ओ उहाँक चेलावँ उहाँकम
विश्वास कर्ल।



येशू पत्रुसक घर गेल। उहाँ हुँकहार सासू
जरकमार सुत्लकसुत्ल रलही।



येशू हुँकहार हाँत छुल त हुँकहीन जर छोरिन। तब ऊ उठ्ली
ओ उहाँक मानमजाट् कली।




सन्झ्याक दिन बुरल त, मनै येशूकठे बेराम ओ भूत लागल
सब मनैन आनलगल। तब अङ्गनम सारा सहरक मनै देखपर्ल।



उहब्याला येशू कैयो मेहिक रोगले सँताइल मनैन चोखैल, ओ
धेर भूतन निक्रैल। येशू भूतन ब्वाल नैदेल, काकरकि हुँक
उहाँह “ख्रीष्ट हुइट” कैक चिह्नखलह।



सबजन उहाँह छुव खोज्ल, काकरकि उहाँकमसे निकल शक्तिले
सबजहन चोखाइटलहन।



येशू प्रचार कर्तिरलह त, चार जन मनै प्यारालाइस रोग लागल
एकठो मनैयह बोक्क उ घरम अन्ल।



तर मनैन्हक भीडक कारण हुँक ओहीह
येशूकठे पुगाइ नैसेकल। उहओसे हुँक
भन्याङ्गमसे छतम चिहुर्ल। हुँक
येशूक स्वाझ उप्पर छत उजर्ल
ओ उ बेरम्हेह बिस्तारासैँट
उहाँकठे उटर्ल।




हुँकन्हक विश्वास देख्क येशू उ बेरम्हेह कल, “भैया, टुँहार पाप क्षमा होगैल्।” “उठो, आपन बिस्तारा बोक्क घर जाओ।”



येशू लाऊम चिहुर्ल ओ उहाँक चेलावँ फे उहाँकसँग गैल।
एकचोट्टे समुद्रम भारी आँधीबौखा चल
लागल, ओ पानीक छल्कले लाऊ
भर लागल। तर येशूजुन
मस्तसे निदाइल रहल।



येशू हुँकन कल, “काजे असिक डराइटो? खै टुन्हक विश्वास?”
तब उहाँ उठ्क आँधीबौखा ओ छल्कह हप्कैल, त आँधीबौखा
ओ छल्का जाट्से शान्त होगैल्। असिन हुइल् देख्क सबजन
छक्क पर्ल ओ कल, “यी कसिन मनैया हुइट?
हिँकहार कहल त आँधीबौखा
ओ छल्का समेत मन्ठ!”



काकरकि परमेश्वर संसारह अत्रा धेर प्रेम
कर्ल, उहाँ आपन एककठो छावह समेत
देल। परमेश्वरक छावकम विश्वास करुइया
कुई फे नाश नैहुई, तर ऊ
अनन्त जीवन पाई।



रोमी 3:23 काकरकि सबजन पाप कैरखल ओ परमेश्वरक
महिमासम पुग नैसेकलहुइट।

रोमी 6:23 पापक कमाही मृत्यु हो, तर सितैम देजैना परमेश्वरक
दान त हमार प्रभु येशू ख्रीष्टम अनन्त जीवन हो।

हिब्रू 9:27 जसहँक यी बात निश्चित बा, कि मनै एक फ्यारा मुठ
ओ वाकरपाछ न्याय हुइठा,

एफिसी 2:8,9 परमेश्वरक अनुग्रहले दुह विश्वासद्वारा मुक्ति पैलहो।
दुह आपन शक्तिले फे मुक्ति पैलक नैहुइटो, यी त परमेश्वरक
वरदान हो। यी दुन्हक कोसिसले हुइल् नैहो, उहओसे घमण्ड कर्ना
ठाउँ नैहो।

रोमी 10:9,10 दुह आपन मुहले येशू जो प्रभु हुइट कैक औरजहन
कठो कलसे ओ परमेश्वर उहाँह मुवलमसे जियैल कैक हृदयम
विश्वास कठो कलसे दुह मुक्ति पैनेबाटो। काकरकि हम्र हृदयले
विश्वास कैक परमेश्वरक सामुन्नेम धर्मी ठहठी ओ विश्वास करल
बात आपन मुहले स्वीकार कठी कलसे हम्र मुक्ति पैठी।



यूहन्ना 3:16,17 “काकरकि परमेश्वर संसारह अत्रा धेर प्रेम कर्ल,
उहाँ आपन एकठो छावह समेत देल। परमेश्वरक छावकम
विश्वास करुइया कुई फे नाश नैहुई, तर ऊ अनन्त जीवन पाई।
परमेश्वर संसारह दोषी ठहार्इक लाग आपन छावह संसारम
नैपठैल, तर संसार उहाँद्वारा बाँचऽ कैक पठैलह।”

1 यूहन्ना 5:11-13 हमन देगैल् साक्षी यह हो: परमेश्वर हमन
अनन्त जीवन देखल, ओ यी जीवनक स्रोत उहाँक छावा हुइट।
परमेश्वरक छावा रहइयकम जीवन बा, परमेश्वरक छावा
नैरहइयकम जीवन नैहो। दुह अनन्त जीवन पारख्लो कना बात
जान सेको कैक दुह परमेश्वरक छावकम विश्वास करुइयन मै
यी चिठी लिखटुँ।



मत्ती 8-9; मर्कूस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Tharu Northern NT (thl) © 2020, Wycliffe Bible Translators,
Inc. All rights reserved.

<https://live.bible.is/bible/THLWYI/MAT/1>

©2025 Bible for Children, Inc.

www.M1914.org

www.bibleforchildren.org

